

**ZAPISNIK
SA III SJEDNICE UPRAVNOG ODBORA
UDRUŽENJA POSLODAVACA U FBiH**

**održane dana 14.06.2016. godine (utorak), sa početkom u 12:00 časova u prostorijama
Fabrike cementa Lukavac, Lukavačkih brigada bb, Lukavac.**

Sjednici su prisustvovali članovi U.O.: Adnan Smailbegović, Suton Ante, Ečo Suhad, Hadžiselimović Eldin, Imamović Izet, Karahodžić Adisa i Kemal Čolak.

Sjednici su po ovlaštenju članova UO prisustvovali: Samir Alić (po ovlaštenju Kopruner Snježana, Huskić Emir (po ovlaštenju Peštalić Nurdin), Darko Josipović (po ovlaštenju Slišković Tomislav), Karić Nermin (po ovlaštenju Rusmir Hrvić),

Sjednici nisu prisustvovali članovi U.O.: Skenderagić Nijaz, Kusturica Sanel, Grapkić Ramiz, Čolak Milenko Raspudić Marin, Marijan Željko, Čengić Safudin, Kemal Hrnjić, Vilim Primorac i Enisa Bekto koji su opravdali svoj izostanak.

Sjednici je pored članova UO prisustvovali i članovi UO Grupacije poslodavaca Tuzlanskog kantona, dva zamjenika Predsjednika Skupštine UPFBiH, članovi ESV-a za teritoriju FBiH i predjednici Grupacija unutar Udruženja.

Ispred UP FBiH: Mladen Pandurević i Mersiha Jusić.

Predsjedavajući Upravnog odbora Adnan Smailbegović je predložio sljedeći:

DNEVNI RED

1. Usvajanje Zapisnika sa II sjednice UO;
2. Imenovanje pregovaračkih timova za zaključivanje granskih kolektivnih ugovora;
3. Razmatranje Radne verzije Zakona o racunovodstvu i reviziji;
4. Razmatranje Inicijative za Izmjene član 94. i 95. Pravilnika o PDV-u (poslaničko pitanje);
5. Informacija o pokrenutoj Inicijativi za ocjenu ustavnosti člana 137. Zakona o zaštiti od požara i vatrogastva;
6. Tekuća pitanja;

Dnevni red je jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa II sjednice UO;

Vezano za ovu tačku dnevnog reda predsjedavajući je obavijestio prisutne da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi.

Obzirom da nije bilo primjedbi nakon glasanja donesen je sljedeći:

Zaključak: Zapisnik je jednoglasno usvojen.

Tačka 2. Imenovanje pregovaračkih timova za zaključivanje granskih kolektivnih ugovora;

Vezano za ovu tačku dnevnog reda Predsjednik je zamolio Mladena Pandurevića, direktora Udruženja da obavijesti prisutne vezano za ovu tačku dnevnog reda. Gdin. Mladen Pandurević je upoznao prisutne da je UO obavezan imenovati pregovaračke timove za Granske kolektivne Ugovore u kojima je će UPFBiH kao reprezentativno Udruženje učestvovati kao pregovarač i zaključivati granske kolektivne Ugovore. U tom smislu istakao je da su Grupacije poslodavaca unutar Udruženja dostavile prijedloge za članove pregovaračkih timova te da je potrebno da UO donese Odluke o imenovanju članova pregovaračkih timova za granske kolektivne Ugovore za područja djelatnosti proizvodnje i prerade metala u FBiH; djelatnost tekstila, obuće i gumarske industrije; za djelatnost prehrambene industrije, industrije pića i duhana; za djelatnost trgovine; za djelatnost finansijskog poslovanja; djelatnost hemije i nemetala, djelatnost prerade drveta i papira u FBiH, djelatnost prometa, djelatnost grafičko-izdavačke industrije te djelatnost građevinarstva. Također je istakao da UO treba utvrditi Odluku o principima vođenja pregovora te upoznao prisutne sa prijedlogom Odluke.

Nakon što je gdn. Mladen upoznao sa prijedlozima članova pregovaračkog tima i prijedlogom Odluke o principima za vođenje pregovora, Predsjednik je otvorio diskusiju.

Nakon diskusije UO je prijedloge Odluka stavio na glasanje.

Nakon glasanja doneseni su sljedeći:

Zaključak: UO je jednoglasno prihvatio prijedloge pregovaračkih timova i jednoglasno donio odluku o imenovanju pregovaračkih timova za vođenje pregovora i zaključivanje granskih kolektivnih Ugovora za područja djelatnosti proizvodnje i prerade metala u FBiH; djelatnost tekstila, obuće i gumarske industrije; za djelatnost prehrambene industrije, industrije pića i duhana; za djelatnost trgovine; za djelatnost finansijskog poslovanja; djelatnost hemije i nemetala te djelatnost prerade drveta i papira u FBiH.

Vezano za djelatnost prometa zadužuje se rukovodstvo UO da sa Grupacijom prevoznika, Grupacijom špeditera i zračnim prevoznicima, obzirom da i ove grupacije ulaze u promet, obavi konsultacije u cilju objedinjavanja ove Grupacije. Grupacije će odlučiti da li će

zaključivati zajednički kolektivni Ugovor ili je u interesu Grupacija da imaju odvojene kolektivne Ugovore. Ukoliko Grupacije odluče da će se u pregovore za zaključivanje Granskog kolektivnog Ugovora za djelatnost prometa uključiti predstavnici špeditera i predstavnici zračnog prometa, onda će stručna služba preuzeti aktivnosti vezano za dostavljanje imena za članove pregovaračkih timova. Svakako Odluku o uključivanju u pregovaranje donose predstavnici Grupacija.

Također vezano za Pregovaračke timove tamo gdje ispred kompanija nisu dostavljena imena, obavezuje se stručna služba da preuzme aktivnosti vezano za dostavljanja imena članova pregovaračkog tima.

UO je ovlastio Izvršni odbor da imenuje pregovaračke timove za područja djelatnosti u kojim Udruženje poslodavaca u FBiH kao reprezentativno udruženje ima ulogu pregovarača, a za koje trenutno nisu izvršena imenovanja.

Izvršni Odbor ima ovlaštenje da može izvršiti i zamjenu članova pregovaračkog tima u slačaju da iz određeni razloga budu sprječeni učestvovati u pregovaranju.

UO je također jednoglasno usvojio Odluku o usvajanju principa za vođenje pregovora. Stav UO je da će se prilikom pregovora poštivati Konvencije MOR-a i domaći propisi; Kolektivno pregovaranje i zaključivanje granskih kolektivnih ugovora je bipartitno, da Udruženje poslodavaca u FBiH kao reprezentativno udruženje ima ulogu pregovarača u svim granskim kolektivnim Ugovorima koji će se potpisivati, osim za šumska gazdinstvo; kolektivno pregovaranje i zaključivanje granskih kolektivnih Ugovora će se voditi samo sa reprezentativnim sindikatima za područje djelatnosti; u pregovarački tim Udruženja poslodavaca FBiH za granske kolektivne Ugovore mogu biti imenovani samo predstavnici kompanija koje su članice Udruženja poslodavaca UPFBiH; Udruženje poslodavaca u FBiH predlaže da Vlada Federacije BiH imenuje jedan dio pregovarača u pregovarački tim na strani poslodavaca za granske kolektivne Ugovore u kojima postoji interes Vlade za društva sa većinskim državnim kapitalom; potpisivanju granskih kolektivnih ugovora za područje djelatnosti pristupit će se nakon objavljivanja Općeg kolektivnog Ugovora za teritoriju FBiH; Udruženje poslodavaca FBiH predlaže Vladi da nakon potpisivanja svih granskih kolektivnih ugovora, donese Odluku o proširenju primjene potpisanih Granskih kolektivnih Ugovora na sve poslodavce za odgovarajuću djelatnost obzirom da za to postoji javni interes.

Tačka 3. Razmatranje Radne verzije Zakona o racunovodstvu i reviziji;

Gdin. Smailbegović je zamolio direktora UPFBiH gđina. Pandurevića da upozna prisutne vezano za ovu tačku dnevnog reda.

Gdin. Pandurević je istakao da je UPFBiH već dobilo određene primjedbe vezano za Zakon te da je Zakon favorizuje određenu grupu revizorskih kuća. Također je istakao da bi primjedbe UPFBiH trebali ići u cilju da se male kompanije oslobode od obaveze revizije kao i kompanije u kojima je ista osoba i direktor i vlasnik, da se zaštite male revizorske kuće te da se onemogući da cijenu usluga utvrđuju revizorske komore.

Nakon uvodnog izlaganja otvorena je diskusija po ovom pitanju. Svi prisutni su učestvovali u diskusiji ističući da svakako treba kroz zakon uvesti veću odgovornost revizora te zaštititi male revizorske kuće odnosno po uzoru na zemlje u regionu dati mogućnost da reviziju mogu vršiti samostalni revizori i revizorske kuće uz uslov da se samostalni revizori moraju ograničiti u području vršenja revizije. Također su istakli da je vrlo važno pitanje certificiranja revizora, knjigovođa i računovođa.

Nakon diskusije donesen je sljedeći:

Zaključak: Dogovoreno je da će svi prisutni dostaviti u pisanoj formi svoje primjedbe na Zakon na osnovu kojih će se pripremiti konačan tekst odnosno stručna služba će obraditi sve primjedbe i pripremiti konačne primjedbe koje će uputiti Ekonomsko socijalnom vijeću na razmatranje.

Tačka 4. Razmatranje Inicijative za Izmjene član 94. i 95. Pravilnika o PDV-u (poslaničko pitanje);

Vezano za ovu tačku dnevnog reda gđin. Pandurević je upoznao prisutne da je UPFBiH dobilo inicijativu od strane članice IMO JUNIOR vezano za pokretanje poslaničkog pitanja za izmjenu član 94. i 95. Pravilnika o primjeni PDV-a.

Detaljnije o inicijativi prisutne je upoznao gospodin Mirko Vincetić. Svi prisutni su se uključili u diskusiju. Imajući u vidu da je navedeno pitanje od izuzetnog značaja za asve poslodavce UO je podržao inicijativu i nakon diskusije donesen je sljedeći:

Zaključak: UO je donio Odluku da se zastupnicima u Parlament uputi poslaničko pitanje te da se pored toga zatraži sastanak sa Upravom za indirektno oporezivanje i rukovodstvom UPFBiH. Također zaključeno je da se vezano za ovo pitanje organizuje PRESS konferencija u cilju upoznavanja šire javnosti o pitanju koje je od izuzetnog interesa ne samo za poslodavce već i za državu.

Tačka 5. Informacija o pokrenutoj Inicijativi za ocjenu ustavnosti člana 137. Zakona o zaštiti od požara i vatrogastva

Vezano za ovu tačku dnevnog reda gđin. Smailbegović je zamolio predstavnicu Udruženja društava za osiguranej da detaljnije upozna prisutne sa inicijativom koju je UPFBiH pokrenulo na inicijativu UDOFBiH.

Udruženje poslodavaca je svim ovlaštenim predlagačima uputilo inicijativu za pokretanje Inicijative za ocjenu ustavnosti člana 137. Zakona o zaštiti od požara i vatrogastva.

Zaključak: UO je primio k znanju informaciju.

Tačka 6. Tekuća pitanja

Pod tekućim pitanjima raspravljalo se:

- a) Uredbi o zapošljavanju
- b) Donošenje Odluke o imenovanju člana Savjetodavnog odbora za Projekat ILO
- c) Donošenje Odluke o povlačenju Tužbe

Vezano za podtačku a) gđin. Mensur Alić je upoznao prisutne da poslodavci imaju problema vezano za realizaciju Uredbe o poticaju zapošljavanja koju je Vlada donije u decembru 2015. godine

Vezano za podtačku b) gđin. Pandurević je upoznao prisutne da se Udruženju poslodavaca se obratila Međunarodna organizacija rada sa zahtjevom da UPFBiH imenuje jednog predstavnika UPFBiH u Savjetodavni odbor Projekta „Lokalna partnerstva za zapošljavanje“. Naime, Međunarodna organizacija rada je pokrenula je projekt “Lokalna partnerstva za zapošljavanje” kojeg finansira Evropska komisija, u okviru EU Programa za lokalni razvoj i zapošljavanje, koji je službeno pokrenut u Sarajevu 17. marta 2016. godine. Cilj projekta je da doprinese strateškom razvoju tržišta rada u Bosni i Hercegovini putem partnerstava na lokalnom nivou, čime bi se povećao pristup formalnom zapošljavanju, posebno u područjima pogođenim poplavama. Projekt će imati dva tijela koja će učestvovati u njegovoj implementaciji, tj. Izvršni i Savjetodavni odbor Projekta. U tom smislu, a s obzirom da je potrebno uspostaviti i Savjetodavni odbor Projekta, potrebno je da UPFBiH imenuje jednog člana. Prijedlog je da se z a člana Savjetodavnog odbora imenuje Mersiha Jusić, sekretar Udruženja.

Vezano za podtačku c) gđin. Pandurević je istakao je UO UPFBiH treba donijeti Odluku o povlačenju tužbe za pokretanje Upravnog spora broj I – 052/16 od 10.03.2016. godine.

Naime, 10.03.2016. godine Udruženje poslodavaca FBiH pokrenulo je Tužbu za upravni spor broj: I – 052/16 protiv Rješenja o reprezentativnosti UPFBiH broj: UPI 03-34/13-37/15 od 04.02. 2016. godine koje je donijelo Ministarstvo za rad i socijalnu politiku FBiH. Obzirom da je UPFBiH 09.06.2016. godine zaprimilo Rješenje o izmjeni rješenja o reprezentativnosti Udruženja poslodavaca FBiH broj: 186/16, te razlozi za tužbu više ne postoje, predlaže se da UO donese Odluku o povlačenju tužbe.

Nakon diskusije u kojoj su učestvovali svi prisutni donesen je sljedeći:

Zaključak: Vezano za tačku a) dogovoreno je da će gđin. Mensur Alić u pisanoj formi stručnoj službi dostaviti problematiku vezano za Uredbu o poticaju zapošljavanja na osnovu koje će stručna služba pripremiti dopis koji bi uputila prema Vladi.

Vezano za podtačku b) jednoglasno je usvojen prijedlog da se za člana Savjetodavnog odbora Projektra ILO "Lokalna partnerstva za zapošljavanje imenuje Mersiha Jusić, sekretar UPFBiH. Zadužuje se stručna služba da o Odluci obavijesti ILO.

Vezano za podtačku c) UO je donio Odluku o povlačenju tužbe za pokretanje Upravnog spora broj I – 052/16 od 10.03.2016. godine. Zadužuje se stručna služba da preuzme sve aktivnosti vezano za povlačenje tužbe te da podnesak o povlačenju tužbe dostavi Ministarstvu za rad i socijalnu politiku.

Sjednica se završila u 14:10 sati

Zapisnik sačinila: Mersiha Jusić

PREDSJEDNIK UO

Adnan Smailbegović